

REGLUGERÐ FRAMKVÆMDASTJÓRNARINNAR (ESB) nr. 1018/2013

2014/EES/36/15

frá 23. október 2013

um breytingu á reglugerð (ESB) nr. 432/2012 um samantekt lista yfir leyfilegar
heilsufullyrðingar er varða matvæli og vísa hvorki til minnkunar á sjúkdómsáhættu né til
þroskunar eða heilbrigðis barna (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1924/2006 frá 20. desember 2006 um næringar- og heilsufullyrðingar er varða matvæli⁽¹⁾, einkum 3. mgr. 13. gr.,

og að teknu tilliti til eftirfarandi:

- 1) Samkvæmt 3. mgr. 13. gr. reglugerðar (EB) nr. 1924/2006 samþykkti framkvæmdastjórnin reglugerð (ESB) nr. 432/2012 frá 16. maí 2012 um samantekt lista yfir leyfilegar heilsufullyrðingar er varða matvæli og vísa hvorki til minnkunar á sjúkdómsáhættu né til þroskunar eða heilbrigðis barna ⁽²⁾.
- 2) Þegar listinn yfir leyfilegar heilsufullyrðingar var samþykktur lágu þó fyrir nokkrar heilsufullyrðingar sem Matvælaöryggisstofnun Evrópu („Matvælaöryggisstofnunin“) hafði ekki lokið mati á eða framkvæmdastjórnin hafði ekki lokið athugun á ⁽³⁾.
- 3) Matvælaöryggisstofnunin mat eina þessara fullyrðinga jákvætt en það er heilsufullyrðing er varðar áhrif kolvetna á viðhald eðlilegrar heilastarfsemi og lagði til að viðeigandi skilyrði fyrir notkun þessarar fullyrðingar yrðu: „áætlað er að dagleg inntaka á 130 g af blóðsykurshækkandi kolvetnum (e. *glycaemic carbohydrates*) nægi til að uppfylla glúkósaþörf heilans“⁽⁴⁾.
- 4) Í 3. mgr. 13. gr. reglugerðar (EB) nr. 1924/2006 er kveðið á um að leyfilegum heilsufullyrðingum verði að fylgja öll nauðsynleg skilyrði (þ.m.t. takmarkanir) fyrir notkun þeirra. Til samræmis við það ætti listinn yfir leyfilegar

fullyrðingar að innihalda orðalag viðkomandi fullyrðinga og sértæk skilyrði fyrir notkun þeirra og, eftir því sem við á, skilyrði eða takmarkanir varðandi notkun og/ eða viðbótaryfirlýsingu eða viðvörðun, í samræmi við reglurnar sem mælt er fyrir um í reglugerð (EB) nr. 1924/2006 og álit Matvælaöryggisstofnunarinnar.

- 5) Nokkur aðildarríki lýstu þó áhyggjum sínum af því að slík leyfi með þessum notkunarskilyrðum myndu stuðla að og hvetja til neyslu á matvælum sem innihalda annan sykur en þann sem er í þeim frá náttúrunnar hendi. Enn fremur myndi það senda neytendum mótsagnakennd og ruglandi skilaboð, einkum í ljósi landsbundinnar ráðgjafar varðandi mataræði sem snýst um að minnka sykurneyslu. Talið er að hægt sé að sætta andstæð sjónarmið að því er varðar þessa tilteknu heilsufullyrðingu með því að fullyrðingin verði einungis leyfð við sérstök notkunarskilyrði sem takmarka notkun hennar við matvæli sem eru annaðhvort með lítið sykurnnihald eða við matvæli án viðbættis sykurs sem geta þó innihaldið sykur frá náttúrunnar hendi.
- 6) Þessi reglugerð ætti að koma til framkvæmda sex mánuðum eftir gildistöku hennar til að gera stjórnendum matvælaöryggisstofnunarinnar kleift að laga sig að kröfum hennar.
- 7) Í samræmi við 1. mgr. 20. gr. reglugerðar (EB) nr. 1924/2006 ætti að uppfæra fullyrðingaskrána yfir næringar- og heilsufullyrðingar, sem inniheldur allar leyfðar heilsufullyrðingar, í ljósi þessarar reglugerðar.
- 8) Við ákvörðun þeirra ráðstafana sem kveðið er á um í þessari reglugerð hafa athugasemdir almennings og áhugasamra hagsmunaaðila, sem framkvæmdastjórninni hafa borist, og sjónarmið þeirra verið tekin til athugunar á fullnægjandi hátt.
- 9) Því ber að breyta reglugerð (ESB) nr. 432/2012 til samræmis við það.
- 10) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

(*) Þessi EB-gerð birtist í Stjtið. ESB L 282, 24.10.2013, bls. 43. Hennar var getið í ákvörðun sameiginlegu EES-nefndarinnar nr. 77/2014 frá 16. maí 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

⁽¹⁾ Stjtið. ESB L 404, 30.12.2006, bls. 9.

⁽²⁾ Stjtið. ESB L 136, 25.5.2012, bls. 1.

⁽³⁾ Samsvarar 2232 færslum (ID) í samsteypta listanum.

⁽⁴⁾ <http://www.efsa.europa.eu/en/efsajournal/doc/2226.pdf>

SAMÞYKKT REGLUGERÐ ÞESSA:

1. gr.

Viðaukanum við reglugerð (ESB) nr. 432/2012 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*. Hún gildir frá og með 13. maí 2014.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 23. október 2013.

Fyrir hönd framkvæmdastjórnarinnar,

forseti.

José Manuel BARROSO

VIÐAUKI

Eftirfarandi færsla bætist við í stafrófsröð í viðaukanum við reglugerð (ESB) nr. 432/2012:

Næringarefni, annað efni, matvæli eða matvælaflokkur	Fullyrðing	Skilyrði fyrir notkun fullyrðingar	Skilyrði og/öð takmarkanir á notkun matvæla og/öð viðbótaryfirlýsing eða viðvörðun	Tíðindi Matvælaöryggisstofnunar Evrópu nr.	Númer viðeigandi færslu í samsteypta listanum sem er lagður fyrir Matvælaöryggisstofnun Evrópu til mats
„Kolvetni	Kolvetni stuðla að því að viðhalda eðlilegri heilastarfsemi	Til að hægt sé að nota fullyrðinguna skal veita neytendum upplýsingar þess efnis að dagleg inntaka á kolvetnum úr öllum gjöfum þurfi að vera 130 g til að fá framjávæðu áhrifin. Heimilt er að nota fullyrðinguna um matvæli sem innihalda a.m.k. 20 g af kolvetnum sem brotna niður í efnaskiptum mannslíkamans, að undanskildu fjölkóhóli, í hverjum magnbundnum skammti og eru í samræmi við næringarfullyrðinguna LÍTIÐ SYKURINNIHALD eða ÁN VIÐBÆTTIS SYKURS eins og tilgreint er í viðaukanum við reglugerð (EB) nr. 1924/2006.	Ekki skal nota fullyrðinguna um matvæli sem innihalda 100% sykur.	2011 9(6), 2226	603,653 ⁴⁴